

*MASTER
NEGATIVE
NO. 92-80667-2*

MICROFILMED 1992

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

ZETZSCHE, IOANN G.

TITLE:

QUAESTIONUM
THEOCRITEARUM

PLACE:

ALTENBURGI

DATE:

1857

Master Negative #

92-80667-2

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

BKS/SAVE Books FUL/BIB NYCG92-B37481 Acquisitions NYCG-NEH
FIN ID NYCG92-B37481 - Record 1 of 1 - SAVE record
+
ID:NYCG92-B37481 RTYP:a ST:s FRN: MS: EL: AD:06-08-92
CC:9668 BLI:am DCF:? CSC:? MOD: SNR: AIC: UD:06-08-92
CP:gw L:lat INT:? GPC:? BIO:? FIC:? CON:???
PC:s PD:1857/ REP:? CPI:? FSI:? ILC:???? II:?
MMD: OR: POL: DM: RR: COL: EML: GEN: BSE:
040 NNC+CHNC
100 1 Zetzsche, Ioann Gottlob.
245 10 Quaestionum Theocritearum+microform+Particula quarta, qua agitur
de idyll. XVIII. 29.-31.+Scripsit Ioannes Gottlob Zetzsche.
260 Altenburgi.+Ex Typographeo Aulico,+c1857.
300 12 p.
LDG ORIG
QD 06-08-92

Restrictions on Use:

TECHNICAL MICROFORM DATA

FILM SIZE: 35 mm REDUCTION RATIO: 11x
IMAGE PLACEMENT: IA IIA IB IIB
DATE FILMED: 8/19/92 INITIALS M.D.C.
FILMED BY: RESEARCH PUBLICATIONS, INC WOODBRIDGE, CT





AIM

Association for Information and Image Management

1100 Wayne Avenue, Suite 1100
Silver Spring, Maryland 20910



301/587-8202



Centimeter



Inches



MANUFACTURED TO AIM STANDARDS
BY APPLIED IMAGE, INC.

no. 2

QUAESTIONUM THEOCRITEARUM

PARTICULA QUARTA,

QUA AGITUR DE IDYLL. XVIII. 29.—31.

SCRIPSIT

IOANNES GOTTLOB ZETZSCHE

PROFESSOR.

ALTE NBURGI

EX TYPOGRAPHEO AULICO.

MDCCCLVII.

Quae huic libello proposita est quaestio, quia arctissime cohaeret cum ea, quae est de ejusdem carminis versibus 26.—28., non potest non ab iis proficisci, quae nuper*) de vexatissimo illo ac paene desperato loco a nobis disputata sunt ea quidem ratione, ut Theocritum a virorum doctorum suspicionibus defenderemus doceremusque omnes, quotquot prolatae essent, emendationes a vero aberrare neque salutis spem ullam esse, nisi Aurorae (ἀώς), quae librariorum sive culpa sive errore irrepsisset, fallaci lumine extincto. Hanc autem unam esse rationem, qua locus ille corruptus restitui possit, ita mihi etiam nunc persuasum est, ut nec Meinekii neque Ahrensii dissentientium me moveat auctoritas, quam gravissimam alias apud me esse libenter confiteor. Qui viri doctissimi deque Theocriti carminibus emendandis et fere instaurandis ita meriti, ut facile nostris temporibus palma iis ab omnibus detur, quum in sexcentis aliis locis depravatis, quid verum, quid e poetae mente atque consilio aptum, quid ad linguae leges et loquendi consuetudinem esset accommodatum, certissime praeceperint, in his versibus expediendis et restituendis adeo per incerta feruntur ac dubia, ut in diversissimas jam delapsos eos videas sententias. Meinekius enim de suis thesauris noluit quidquam depromere, sed totum se dedit aliis et, quum in secunda, quam paravit, Theocriteorum editione assentiretur**) Lachmanno laudaretque triplicem Helenae

*) Quaestt. Theocritt. Particula III. Altenb. 1851.

**) vid. Quaestt. Theocritt. Part. III. p. 4 et 5. et 7.

cum aurora, cum nocte (!), cum vere denique comparisonem, in tertia, quae nuperrime prodiit, repudiata Lachmanni sententia, quippe qua *comparationum concinnitas tollatur*, Hermannum secutus est ita, ut, quod tertium ille coniecerat,

πότνι' ἄτ' ἀντέλλοισα καλὸν διέφανε πρόσωπον,
 ἁώς, ἢ ἄτε λευκὸν ἔαρ χειμῶνος ἀνέντος,
 ὥδε καὶ ἡ χρυσέα Ἑλένα διαφαίνεται ἐν ἁμῖν.

suum facere et in locum vulgatae lectionis substituere non dubitaret. Non igitur jam in his Meinekii, sed Hermannii prostat emendatio, de qua quum alio loco*) egerimus, nolumus hic ea repetere, sed ad Ahrensium pervenimus, qui restituisse tandem depravata sibi visus est hoc modo:

Ἄως ἀντέλλοισα καλὸν διέφανε πρόσωπον,
 πότνια νυκτὶ σελάνα, ἔαρ χειμῶνος ἀνέντος.
 ὥδε καὶ ἡ χρυσέα Ἑλένα διαφαίνεται ἐν ἁμῖν.**)

Quae ratio quia singularis est et propria Ahrensii neque quidquam cum aliis commune habet, accuratius paulo de ea quaerendum esse videtur. Ac primum quidem mireris profecto eum, qui Hermannii olim conjecturam ingeniosam certe et cum ea sententia, quam inesse vulgo in verbis putant, optime congruentem improbavisset novamque ipse quamvis alienam ab Helenae comparisonem commendavisset***) imprimis eam ob causam, quod violentius illa, haec lenius esset mutata, paucis annis praeterlapsis illa librorum manuscriptorum verecundia adeo se exuisse, ut hodie paene nullam eorum fidem esse arbitretur atque eiectionis, quas omnes codices tuentur, vocibus ἄτε λευκὸν suppositoque, cujus vix unam literam illi suppedidant, vocabulo σελάνα non dubitet haec jam pro veris vendere: πότνια νυκτὶ σελάνα, ἔαρ etc.

*) Quaestt. Theocritt. Part. III. p. 5. et 7.

**) Haec primum prolata sunt in majore Bucolicorum editione, cujus Tom. I. prodiit Lips. 1855, repetita in minore edit. II. Lips. 1856.

***) Ἄως ἀντέλλοισα καλὸν διέφανε πρόσωπον
 πότνι', ἄνυξέ τε λευκὸν ἔαρ χειμῶνος ἀνέντος.
 ὥδε —

vid. Ahrens. Emendatt. Theocritt. p. 25.

Sed mittamus mutandi violentiam; in desperatis enim locis quid sibi non indulserunt critici? Et habet fortasse Ahrensii, quo suam audaciam probare nobis velit; de qua re tum demum erit iudicium, quum major Bucolicorum editio absoluta earumque lectionum, quas exhibuit, plenior ratio redita fuerit. Graviorem autem de Ahrensii emendatione dubitationem moveri necesse est, quum quaeratur de aequali illa partium proportionem, ad quam cum alia Theocriti carmina, tum hanc Helenae laudationem descriptam esse et ab aliis*) jam dudum est observatum, et a nobis nuper copiosius demonstratum.**)

Huic enim concinnitatis legi, quae non solum ad strophas parversuum numero circumscribendas pertinet, sed latius patens etiam in singulis cujusque strophae membrorum aequabiliter constituendis sententiisque ad similitudinem quandam conformandis vim suam exercet, haec duo repugnant, alterum, quod, quum reliqua substantiva, in quibus comparandi quasi lumina inesse voluit poeta, habeant appositum, quo praestantiae et pulchritudinis notio aliqua exprimitur, ver (ἔαρ) solum relinquitur epitheto suo λευκὸν nudatum***); alterum, quod, quum insequens comparatio (vss. 29.—30.) per duas tantum imagines decurrat, e trium rerum similitudine efficitur Helenae praestantia in antecedentibus versibus (26.—27.) luna (σελάνα) interposita. Quod si quis fortasse velit ita probare, ut dicat etiam in altera comparisonem tria enumerari, ad quorum similitudinem Helenae laudes celebrentur, μέγα λῆον, κυπάρισσος, Θεσσαλὸς ἵππος, videat, ne demonstratio fiat ex re demonstranda; nam hoc ipsum λῆον, quod Ahrensii recepit, non magis quam σελάνα a Theocrito profectum est, sed ex Eichstadii ingenio ortum, ut posthac videbimus.

Verba igitur, quae Ahrensii exhibuit, neque ad codicum scripturam probabilia neque ad membrorum aequalitatem apta esse videntur; ad sensum autem quod attinet, ne tanta quidem vi verbis illata difficultates omnes remotas esse neque eam effectam videmus comparisonem, quae integra sit et apta ad rem ac tanto poeta non indigna. Quis enim non intelligit comparisonem, quae sic instituat: ἁώς ἀντέλλοισα καλὸν διέφανε πρόσωπον — ὥδε καὶ ἡ χρυσέα

*) vid. Hermann. de arte poës. bucol. — Eichstadii et Meinek. ad h. l.

**) Quaestt. Theocritt. III. p. 10 seqq.

***) Male habet etiam hoc, quod tres comparationes juxta se positae carent omni copulativarum particularum vinculo: ἁώς ἀντέλλοισα — πότνια νυκτὶ σελάνα — ἔαρ χειμῶνος ἀνέντος.

'Ελένα διαφαίνεται*) ἐν αὐτῇ, mutilam esse et decurtatam, nisi addatur, quod respondeat verbis ἐν αὐτῇ et significet eam rem, quae, si cum Aurora confecturatur, pulchritudine sit illa inferior? Aut quis non videt hanc ipsam Aurorae imaginem, quae sola per se jam parum apta ad illustrandam formositatis speciem ac molesta fuit**), si cum Luna jungatur per noctem splendente, molestiorem multo ac prorsus otiosam esse? Nec tamen silentio praetereundum est hanc Ahrensii conjecturam una ex parte reliquis, quotquot de hoc loco prolatae sunt, praestare et ad verum prope accedere. Nam quum conjectando incidisset in haec: πότνια νυκτὶ σελάνᾳ, ἔαρ χειμῶνος ἀνέντος sc. διέφανε καλὸν πρόσωπον, haud ita multum profecto vir doctissimus aberat a vera comparationis imagine; sed quominus attingeret eam et accurate exprimeret, cum alia obstabant, tum hoc, quod Aurorae illecebris captus ita tenebatur, ut expedire se ex his vinculis et effugere non posset.

Sed quid plura? Jam enim disputatio nostra rediit eo, unde exorsa est, intelligiturque, quod diximus, morbo, quo illorum versuum et sensus et verba laborant, non posse quemquam mederi, nisi Auroram ex iis expulerit. Ad quam rem, postquam alii alia frustra tentaverunt, nos quidem in Quaest. Theocritt. Particula III. ita sumus aggressi, ut pro αὐτῇ, quod ex duabus vocibus inepte conglutinatum videtur, scriberemus αὐτῇ, ὥς***), — reliqua autem omnia, quia nihil jam difficultatis habebant, intacta relinqueremus comparatione hunc in modum constituta: *Sicut stellae per noctem fulgentes superant omnia splendore, sicut hieme soluta ver vincit omnia jucunditate, ita Helena inter nos elucebat pulchritudine ac venustate.* Quod quam recte et quo successu fecerimus, penes alios erit iudicium. Interim nosmet ipsi nostrae interpretationi eam sumimus vindicamusque laudem, quod non solum tenebras, quibus versus 26.—28. tamdiu oppressi fuerunt, ne una quidem litera mutata dissipavisse tandem videtur, sed etiam sequentia luce sua collustrat.

*) διαφαίνεται Abrens. ex cod. s. M. pro vulgato διεφαίνεται, de quo vid. Quaest. Theocritt. III. p. 26.

**) vid. Quaest. Theocritt. III. p. 9.

***) Iis, quibus hunc pronomini relatiui usum (αὐτῇ i. e. Ἑλένα—ὧδε καὶ αὐτῇ Ἑλένα etc.) probare studui, jam possum addere locum Ciceronis: Illi, qui erant cum Clodio —, caedere incipiunt ejus (Milonis) servos; ex quibus qui animo fideli in dominum et praesenti fuerunt, partim occisi sunt, partim — fecerunt id servi Milonis, quod suos quisque servos in tali re facere voluisset. (Orat. pro Mil. Cap. X. §. 29.)

Pergit enim ad novas Helenae laudes Theocritus vss. 29.—31. ita:

Πιείρα μεγάλη αὐτῇ ἀνέδραμε κόσμος ἀρούρα
ἢ κάπῳ κυπάρισσος, ἢ ἔρματι Θεσσαλὸς ἵππος,
ὧδε καὶ αὐτῇ ῥοδόχρως Ἑλένα Λακεδαιμόνι κόσμος.

Haec verba, quae omnes fere iique optimi codices exhibent non alia lectionis varietate, quam quae ex librorum vel inscitia vel negligentia videatur orta esse, quamquam neque ad sensum obscura neque ad structuram dura aut contorta nec denique ad poetarum usum loquendi insolentia putari possunt, tamen haud minus fere, quam quae antecedunt, criticorum suspicionibus impugnata sunt et adeo in diversum traxerunt virorum doctorum sententias, ut, quum aliis sana omnia et integra viderentur, alii nihil non mutandum potius, quam vulgatam librorum lectionem tolerandam esse censerent. Totius enim comparationis indole non satis perspecta quum verbis ἢ κάπῳ κυπάρισσος novam inferri imaginem existimarent, displiceretque *cypressus arvi decus*, mendum latere in vs. 29. putantes variis modis in eo elaboraverunt, ut investigarent vocabulum, quod cum verbo ἀνέδραμε conjunctum a πιείρα ἀρούρα non abhorreret. Qua in re quum non certam haberent, quam sequerentur, viam ac rationem, mirum non est neque de causis ac sede mali, cui mederi vellent, neque de remediis convenisse quidquam inter eos et diversissima quaeque in medium esse prolata. Nolo equidem in singulis iis enumerandis commorari, praesertim quum pleraque jamdudum abjecta sint et citius fere, quam in lucem prodierunt, sepulta jaceant. Qui cognoscere ea accuratius velit, Fr. Jacobsii, Kiesslingii, aliorum adeat editiones. Ad genera sua si revocaveris, celerius ea licebit percensere et paucis profigare.

Quaecunque igitur proposita sunt, ad duo fere redeunt. Alteri enim animis ad verbum ἀνατρέχειν magis attentis, quod de arboribus in altum surgentibus usurpari recte observassent, *arboris* alicujus nomen interserendum esse putaverunt idque ex una alterave voce quamvis repugnantibus codicibus elicere conati sunt. Qua ratione quum effinxissent

αἴγειρος*) μεγάλη αὐτῇ ἀνέδραμε κόσμος ἀρούρα etc.

et

πιείρα μελία**) αὐτῇ ἀνέδραμε κ. ἀρ.

et

πιείρα ἐλάτα***) αὐτῇ ἀνέδραμε κ. ἀρ.

*) Schuetzius, probante Huschkio. vid. Eichstad. Quaest. phil. Spec. p. 30.
) Briggisius. **) Wordsworthius.

et quodvis arborum genus aliud*) advocassent, non tamen potuerunt neque scrupulum iis eximere, qui arvum (*ἄρουραν*) nihil nisi frumentum et vinum gignere putarent**), neque satisfacere iis, qui propter orationis concinnitatem, sicut in priore comparatione vss. 26.—28., ita in hac quoque duabus tantum imaginibus Helenae praestantiam a Theocrito illustratam esse persuasum haberent***). Cui argumento accedit haud levius hoc, quod illa ratione et *κνπάρισσος* epitheto suo nudatur, et ex similibus rebus, quae ad comparandum adhibentur, in altero membro una tantum (*Θεσσαλὸς ἵππος*), in altero per ingratam quandam abundantiam duae ejusdem generis (*κνπάρισσος* et *ἀγέριος*) proferuntur, id quod notatum jam supra a nobis est in Ahrensii priorum versuum emendatione ((*ἄως* — *σελάνα*).

Alterum genus est eorum, qui vocem *ἀρούρα* prae ceteris respicientes quaesiverunt, quod cum illa apte posset componi, protuleruntque deinceps, quaecunque in arvo deprehendi solent, *ὄγμος*****) et *ὄχμος*†) et *λαῖον* s. *λῆον*††) et, ne quidquam abesset, *ἄμπελος* quoque†††). Qui omnes, quum arvo quaerent decus, vereor, ne parum memores fuerint, quid deceat Helenam. Ac de ceteris quidem nihil dico; quibus post alia, quae vel in gravissimis rebus peccaverunt, facile hoc condonabitur, quod inepta comparatione pulchritudinis speciem deformaverunt. Ab Eichstadio autem et, qui eum secutus est, Ahrensio, gnaris alioquin et subtilibus harum rerum arbitris, non possum discedere, quin paucis demonstrem, quam non convenienter decoravisse videantur Helenam cum *magna segete*††††) comparantes. Pulchri enim imago

*) Graefum velut ludendo sex alia arborum nomina ad versus numeros accommodata exhibuisse auctor est Fr. Jacobsius ad h. l.

**) cf. Ahrens. Emendatt. p. 25.

***) vid. Ziegler. et Meinck. ad h. l.

****) *ὄγμος*, sulcus, pro *κόσμος* a Calliervo scriptum in plerasque post illum editiones transit.

†) *ὄχμος*, Musgrav.

††) Eichstadius correxit: *πείρα μέγα λαῖον ἄτ' ἔδραμε κόσμος ἀρούρα* etc., quae Ahrensus (cf. Emendatt. p. 25.) mutata paulisper nuper ita edidit: *πείρα μέγα λῆον ἀνέδραμε* etc.

†††) *ἄμπελος*, Dahlius; ipse tamen postea rejecit. Vid. Fr. Jacobs. nott.

††††) Eichstadius *μέγα λαῖον* interpretatur segetem eam, quae per latum tractum porrigitur eamque ob causam recte scripsit *ἔδραμε* pro *ἀνέδραμε*; Ahrensus cogitavisse videtur de *segete alta*, in altum surgente, eique melius convenit *ἀνέδραμε*. Sed neutrum est aptum ad eam Helenae praestantiam, de qua h. l. agitur, laudandam.

illa, quae in laeta segete inesse plerumque putatur, quum non spectet ad ipsam culmorum spicarumve faciem, sed ad foecunditatis cogitationem et utilitatis spem, quae voluptate animos nostros perfundunt, ipsa jam per se non ea est, quae in puellam formosam apte transferatur; ubi autem pulchritudinis aliquam effigiem velis non totam exprimere, sed per partes descriptam illustrare comparando, ibi non modo ingrata ac non apta, sed fere nulla esse videtur imago a segete ducta. Nullum enim in ea deprehenditur singulare decus, nulla propria laus, qua pulchram sive rem sive personam ornare possis*).

Iam vero dixerit fortasse aliquis liberiolem esse poëtis comparandi rationem et nostro loco non in ipsius Helenae et segetis similitudine quaerendam comparationis vim, sed in eo, quod dicatur utraque decori esse (*κόσμος εἶναι*) ei rei, ad quam accedat. Non magis enim equo Helenam quam segeti esse similem, nec tamen in eo quemquam offendere. Speciosius haec dici, quam verius, liceat exemplo demonstrare. Apud Virgilium legimus *gregibus tauros esse decori* (Ecl. V. 33.); attamen ineptum foret, si quis diceret: *ἄτ' ἀγέλη ταύρων, ὥδε καὶ ἡ Ἑλένα Λακεδαιμόνι κόσμος ἐστίν*. Nam ne in talibus quidem comparationibus licet componere res, nisi quae aliqua certe ex parte similes sint. Cum equo cur comparetur Helena, apparet, saepe enim cursu cum aequalibus certabat (cf. vs. 22. seqq.); ecquis autem indicabit, quae cum segete ei intercedat similitudo?

*) His non repugnat Virgilii illud, quo Eichstadius ad correctionem suam stabilendam utitur, Eclog. V. 32. seqq.

Vitis ut arboribus decori est, ut vitibus uvae,

Ut gregibus tauri, segetes ut pinguibus arvis,

Tu decus omne tuis. —

His enim imaginibus Virgilius non eximiam Dalphnidis pulchritudinem voluit insignire, sed dulcissimam amicitiae et amoris societatem, qua Daphnis cum suis (pastoribus) junctus fuerit, summumque mortui ejus desiderium, eoque consilio e pastoralis rusticae vita (cf. Gebauer: de — Theocriti carminibus — a Virgilio adumbratis. Lips. 1856. pag. 14.) elegit eas res, quae consociatae cum aliis ornent eas et laetiores reddant, divulsae ab iis decus simul auferant et tristitia afficiant. Deplorans igitur Daphnidis interitum Mopsus „Quamdiu, inquit, vivus inter nos versabar, o Daphni, laeta nobis omnia tuo consortio erant et felicia, tu deliciae nostrae, tu decus omne nobis; jam mortuo te tristitia sunt omnia et luctus plena, ut vel Dii nolint amplius apud nos commemorari.“ Hanc loci esse sententiam apertissime sequentia declarant. Pergit enim Mopsus:

— — — Postquam te fata tulerunt,

Ipsa Pales agros atque ipse reliquit Apollo.

Quae quum ita sint, scite Theocritus et eleganter, ut omni laude ornaret Helenam, sicut splendorem a stellis et venustatem a vere, ita a cupresso proceritatem et ab equo celeritatem sumpsit, a segetis autem comparatione, quae nihil ei addere decoris posset, non modo abstinuit ipse, sed ne reliquit quidem, ubi a correctoribus suis interseri commode possit. Nam ne versus perturbetur, recidi reliqua necesse est. Eichstadius igitur ἔδραμε scripsit pro ἀνέδραμε, Ahrensius autem particula ἄνε potius ejecta ἀνέδραμε retinendum esse censuit. Qua ratione quum syllabas servarent, vulnus uterque inflixit orationi, uti fieri solet, quum sanare sana conamur.

Nam — ut tandem nostram de hoc loco sententiam declaremus — integra sunt et incorrupta verba, quae vulgo leguntur, neque alia egent nisi interpretis ope, non tam ea, quae in singulorum verborum vel significatione illustranda vel usu comprobando vel structura explicanda cernatur, quam qua sententiarum vis ac ratio aperiatur eorumque, quae poëtae animo observata fuerint, accurata et vera exprimitur imago. Etenim qui vulgatae, quam dicunt, lectionis patrocinium susceperunt, eos omnes, etsi in singulis verbis interpretandis et defendendis bene versati essent, tamen, quum ad conformandam totius loci effigiem accederent, lapsos esse videmus et a vero aberravisse. Exemplo sit unus instar omnium Kiesslingius, qui post eximiam Heinrichii*) curam in his versibus adhibitam auctore Heynio loci nostri speciem protulit hanc**): „Sicut magna cupressus eminet, quae ornat pingue arvom aut hortum, aut sicut Thessalus equus eminet, currum ornans: sic eminet pulchra Helena, quae est Spartae decus.“ Quae loci descriptio quamvis accurate ad verba videatur expressa, tamen, quia singularum imaginum lumina fere exstinguit totiusque comparationis vim infirmat ac diluit, neque ad Helenam convenienter laudandam idonea nec, quod bona venia Kiesslingii dixerim, poëtica admodum et digna Theocrito esse videtur. Haec enim ipsa eminentiae laus, quae Helenae tribuitur, quum non habeat, quo referatur, levis est ac dubia nec perspicitur, cur a cupresso potius et equo, quam ab alia quavis re poëta eam desumserit; illa autem, quae tanta vi tantaque elegantia dixit Theocritus, κόσμος ἀρούρα — ἄρματι κόσμος — Λακεδαιμονι κόσμος, si quid ego in talibus sentio, jejuna sunt et frigida, si transferantur in haec: „quae ornat pingue arvom — currum ornans — quae est Spartae decus.“

*) Observatt. in Auctores vett. p. 74. seqq.

**) vid. annott. ad h. l. in edit. Theocr.

Circumspicientibus autem, qua via evitatis illorum erroribus ad plenam loci nostri intelligentiam perveniamus, ducem se nobis ipse Theocritus offert certissimum, qui qua ratione Helenam suam laudatam hoc idyllio voluerit, et versu 25. declaravit apertissime et notis quibusdam, quas orationi addidit, haud obscure significavit (vid. Quaestt. Theocritt. III. pag. 11. seqq.). Quae signa si recte sunt a nobis intellecta, Theocritus Helenae laudationem adornavit ita, ut eximiam ejus pulchritudinem non uno quasi obtutu contemplandam proponeret, sed per partes ad Homeri potissimum exemplum*) descriptam persequeretur atque oris et faciei nitorem ac venustatem (εἶδος s. κάλλος), corporis figuram gracilem et proceram (μέγεθός τε φνὴν τε), operum conficiendorum artificium (ἀγλαὰ ἔργ' εἰδυῖαν) deinceps celebraret adhibitis comparando imaginibus, quibus eas omnes virtutes in Helena summas esse ostenderet. Hae vero comparationes — id quod gravissimum est — non simplices sunt ac purae, quales Kiesslingius alique protulerunt sed mixtae e binis atque ita temperatae, ut Helenam comparatam cum reliquis puellis declararent omni pulchritudinis laude tantum eas superare, quantum alia quaedam res, eadem laude insignis, antecedit reliquas ejus generis omnes.

Ad quam legem si versus 29.—31. exiguntur, primum quidem nemo non videt eos ita compositos esse, ut eximiam Helenae tribuant corporis proceritatem et currendi celeritatem (μέγεθός τε φνὴν τε). Illam Theocritus cupressi imagine insignivit adpicta insuper magnitudinis nota verbis μεγάλα — ἀνέδραμε, hanc similitudine equi Thessalici celebravit in certaminibus curulibus spectati (cf. vss. 22.—23.). Deinde autem mixtae, quam diximus, comparationis ratio non potest non agnosci in his: ὧδε καὶ ἡ — Ἑλένα Λακεδαιμονι κόσμος. Altera enim comparatio aperte indicatur particula ὧδε, altera paulo occultior est in verbis Ἑλένα Λακεδαιμονι κόσμος sc. ἐστίν. Nam quum dubium non sit, quin voce Λακεδαιμονι non terra Laconica, sed puellae Spartanæ significentur, puella autem, quae decori aliis esse dicatur, non possit iis non esse praestantior, nullo labore nullisque ambagibus efficitur, quam volumus, comparatio: Helena Spartanis puellis omnibus est praestantior s. eminet inter eas**). Iam quum ad eandem rationem conformata sint, quae antecedunt, κυπάριστος ἀνέδραμε κόσμος ἀρούρα ἢ κάπη et Θεσσαλὸς ἵππος ἄρματι sc. κόσμος ἐστίν, eandem in iis inesse comparandi vim facile apparebit,

*) vid. Quaestt. Theocritt. III. p. 12.

**) Eodem modo in verbo διαφαίνειν et διαφανέσθαι (vss. 26.—28.) pulchritudinis simul et praestantiae significationem inesse vidimus (Quaestt. Theocritt. III. p. 14.).

si — quod fieri posse nemo negabit — etiam ἀρούρα et κάπω et ἄρματι cogitemus posita esse pro iis, quae tanta cum arvo et horto et curru juncta sunt necessitudine, ut separari ab iis nec re nec cogitatione queant. Sicut igitur Λακεδαιμόνα puellarum Spartanarum denominationem esse putamus, ita ἄρμα intelligimus equos, qui curru solent jungi, κάπων arbores in horto plantatas, πείραν ἀρούραν*) segetes in pingui arvo laetius efflorescentes, totiusque loci hanc nobis imaginem effingimus: Ut magna cupressus alte surgens decori est pingui arvo aut horto, ut curru Thessalus equus, sic rosea Helena Spartae est decus, i. e. ut procera cupressus in pingui arvo laetas (altas) segetes aut in horto (ceteras) arbores magnitudine superat, aut ut Thessalus equus in certaminibus curulibus (alios omnes) vincit equos, sic etiam pulchra Helena (magnitudine et celeritate) inter omnes eminet Spartae puellas. Quae quidem comparatio triplicem mihi habere videtur commendationem. Primum enim, ut est facilima, ita imagines exhibet aptissimas ad praestantiam Helenae laudandam; deinde cum ea comparandi ratione, quam initurum se esse poeta ipse vs. 25. indicavit et in reliquis quoque secutus est, optime congruit; denique membrorum concinnitatem et aequabilitatem servat quam maxime.

De singulis verbis non est, quod addam iis, quae a viris doctis jam observata sunt. Nam quod nonnulli dubitaverunt, an κνάρισσος cum ἀρούρα conveniat**), et Meinekius asseveravit***) et ego aliquoties audiavi ex iis, qui terras illas perlustraverunt, cupressos ibi etiam extra hortos in agris haud raro gigni et insigne regioni decus afferre. Quod autem, qui Eichstadii μέγα λαϊόν repudiaverim, a lacta segete ipse non abstineam, quia diversa est ratio, non vereor, ne ob eam rem pugnare mecum cuiquam videar.

*) Apud Homer. πτόνα ξεγα, Odyss. 4, 318. all. πτόνας ἀρούρας, Odyss. 4, 757.

**) cf. Ahrens. Emendatt. p. 25.

***) Anott. ad h. l. in ed. maj. p. 324.

